



UNIVERSITÄTS-
BIBLIOTHEK
PADERBORN

Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

[Tractatus de attributis, de visione beatifica, de scientia Dei ac de ejus voluntate et providentia]

Gonet, Jean-Baptiste

Coloniæ Agrippinæ, 1671

§. I. Prima pars quæsiti resolvitur

[urn:nbn:de:hbz:466:1-77132](#)

DISPV TATIO QVINTA

id est ab extrinseco & a posteriori colligeretur
destruēta) tamē ad illā quidditatē cognoscendam,
non requiritur quod in particulari constet,
hanc vel illam' creaturam esse possibilem (alio-
quin, ut suprā dicebamus, deberent cognosci
omnes creature possibles in particulari; cū
non sit major ratio cur una potius debeat co-
gnosci ut possibilis, quam altera) sed sufficit
quod constet totam collectionem creaturarum
in communi esse possibilem, & nullam ex illis
reddi posse impossibilem.

84 Obiectis secundo: Si daretur aliqua visio beat-
ta, quæ nullam creaturam in particulari videret,
talis visio esset omnium possibilium minima,
nullumque haberet gradum intentionis: Sed hoc
dici nequit: Ergo nec illud. Sequela Majoris
probatur: Visio beata dicitur major vel minor,
intensior aut remissior, ex hoc quod plures vel
pauciores creaturas possibiles in essentia divina
clarè vita cognoscant: Ergo si sit possibilis aliqua,
quæ nullam omnino in particulari attingat, erit
omnium minima, & absque ullo gradu inten-
sionis.

Respondeo negando sequam Majoris, intentio enim vel remissio visionis beatificæ, non attenditur solum penes hoc quod plures vel pauciores creaturas possibiles in essentia divina cognoscant, sed etiam penes hoc quod magis vel minus claræ essentiam divinam, ejusque attributa videat: unde si daretur aliqua visio, qua nullam creaturam possibilem in particulari cognoscere, non esset tamen omnium minima, quia possit dari alia, qua minus claræ & perfectæ divinam essentia, ejusque attributa cognoscerent.

Ad perfectam tamen nostræ assertio[n]is intelligentiam, & plurium argumentorum solutio[n]em, observandum est, quod licet Deus ut in se est videtur possit, nullâ visâ creaturâ possibili in particula[re]; non potest tamen quidditat[er] cognoscî, nisi videatur ratio entis possibilis & creabilis in communi: necessarior[um] videtur de[re]tus omnipotentia, scientia simplicis intelligentia, & eminentialis continentia crea[re]ruram, qua fine ratione entis creabilis & possibilis in communi cognosci nequeunt. Item non potest videari in Deo ratio idea[rum] & exemplaris, nisi videatur idea[rum] in communi, & ipsa divina es-
tentia, ut imitabilis & participabilis a[re]atur.

ARTICULUS VII.

*Quas creaturas de facto beati videant in
verbo, & unde diversitas eas vi-
dendi proveniat.*

§. I.

Prima pars quæsti resolvitur.

Dico primò : Beati vident in verbo omnia mysteria nostra fidei.

86 Probatu^r conclusio prim^o quia visio beatifica est dos animi, succedens fidei; sicut comprehen^sio sp*iritu*, & su*cc*urso charitatis unde ea omnia quae nobis licet obiecta^r e*ss*e revelantur per fidem, beatis in patria manifestantur in verbo, iuxta illam sententiam her*e*re Ps*alm*. 47. Sicut audivimus, sic vidimus in civitate Domini virtutum. Cui etiam confonat illud Augustini 20. de civitat. cap. 21. Quid videlimus nisi Deum, & omnia illa quae nunc non videntur credentes?

A Secundò, Propositis rebus fidei, iuste & ratio
nabiliter quilibet fidelis desiderat illas videre:
unde cum beatitudine sit perfecta quies, & impe-
gra satietas omnium iustorum desideriorum,
beatit in essentia divina clare visa, vident omnia
mystera quæ hic in via per fidem crediderunt.

Tertiò. Cum Theologia nostra sit subalterna
ta scientia Dei & beatorum, & Scientia subal-
ternata appetat ad sui perfectionē conjungi sub-
alternant, & in tali coniunctione habere evidē-
tiam suorū principiorū, ut expositum art. 2.
disputationis proemialis: oportet quod Theo-
logia nostra habeat in patria evidētiam myste-
riorū fidei, quæ sunt principia ex quibus (ut est
in nobis viatoribus) suas conclusiones ducet.

B Advertendum tamen est primò, quòd licet 89

beati videant in verbo omnia mysteria fidei, quantum ad substantiam, non tamen est necesse, quod illa videant, quantum ad omnes circumstantias temporis & loci, ut constat de resurrectione, & ultimo iudicio, de quo dicitur Marci 13. De die autem illa nemo scit, neque Angeli Dei in celo. Item licet Angeli a principio suz beatitudinis cognoverint in verbo mysterium Incarnationis, quantum ad substantiam, ut docet Thomas 1. p. quæst. 57. art. 5. ad 1. & 2. 2. quæst. 2. art. 7. ad 1. non tamen secundum omnes rationes, aut circumstantias illius, sed proceſſu temporis de illo fuerint edoti, non quidem intra verbum (cum visio intra verbum invariabilis sit, & non crescat successu temporis, ut infra dicemus) sed extra verbum, per speciales revelationes & illustrations. Unde S. Dionysius 7. cap. coelestis Hierarchia inducit celestes mentes, quætionem facientes animæ Christi, de suscepto pro nobis opere, & ipsum Jesum eas docentem ac illuminantem.

D Advertendum est etiam, illa mysteria quæ in
unico tantum individuo complentur, ut mysterium Incarnationis, maternitas Beatae Virginis,
& similia, viso ipso individuo in essentia divina
videri; illa verò quæ complentur in pluribus in-
dividuis, licet videantur omnia, non tamen vi-
debuntur in unoquoque individuo. Et sic licet
omnes beati videant sanctissimum Eucharistia
Sacramentum, non tamen vident omnes hostias
quas quotidianè consecrant sacerdotes. Et quam-
vis omnes videant mysterium Resurrectionis,
non tamen videbunt omnes resurrectos, sicut
omnes damnatos: nam quantum ad beatos, ra-
tionabile est ut se omnes videant, & diligent,
utpote socios, & consortes ejusdem beatitudinis.

Dico secundo, *Quilibet beatus videt in essentia divina totum universum, prout includit suas partes principales, ut cœlum, & elementa, ac omnia genera, omnesque species rerum creatarum, tam spiritualium, quam corporalium, cum ipsarum proprietatibus; & tandem omnia singularia, quæ per se pertinent ad ornatum & perfectionem universi, & sunt partes principaliores illius.* Ita docet D. Thomas hic art. 8. ad 4. his verbis: *Naturale desiderium rationalis creature est ad sciendum omnia illa que pertinent ad perfectionem intellectus.* Et hoc sunt species & genera rerum, & rationes earum, quæ in Deo quilibet videbit videns esentiam divinam.

Luculentius tandem veritatem declarat; contra Gentes cap. 5. ratione 1. his verbis. Quia visio divina substantia est ultimus finis cumlibet intellectualis substantiae; omnis autem res cum pervenerit ad ultimum finem, quiescit appetitus eius naturalis, oportet

aperit, quod appetitus naturalis substantia intellectus divinam substantiam videntis omnino quiescat. Igitur appetitus naturalis intellectus, ut cognoscat omnium rerum genera, & species, & virtutes, & totum universum ordinem; quod demonstrat humanum studium erga singula predictorum: Quilibet igitur dividit substantiam videntium cognoscit omnia supra dicta. Quibus verbis, & docuit, & probavit nos fratrum conclusionem, quam ibidem ratione tertia confirmat: ex eo quod Dominus Moyli petenti divina substantia visionem respondit, Ego ostendam tibi omne bonum. Et ex illo magni Gregorii dialogorum cap. 8. Quod est quod nesciant quis scientem omnia scirent, quod salte intelligi debet de omnibus que pertinent ad hoc universum.

92 Ex quibus colliges primò, quod cum ex D. Thoma omnes Angeli distinguuntur specie ab invicem, quilibet beatus videt omnes & singulos Angelos, non solum bonos, quos videt etiam titulus societas beata, sed etiam malos & dannatos. Videbit etiam quilibet beatus in celis omnia sidera, stellas, omniumque corporum celestium constitutiones & motus: sive distinguantur specie (quod probabiliter est) sive solum distinguantur numero, ut aliqui volunt, quia haec pertinent ad ornatum & integratatem universi, sunt partes principaliores illius.

93 Colliges secundò, quod quia singularia materialia & corruptibilia, non pertinent simpliciter ad perfectionem universi, nec intenduntur per se primò, sed tantum secundario, & propter conservationem speciei quæ in uno individuo corruptibili conservari non possunt, illa omnia non cognoscuntur a beatis in verbo, nisi forte spectent ad eorum statum. Unde S. Thomas hic art. 8. ad 4. Cognoscere singularia non est de perfectione intellectus creandi, nec ad hoc eius naturale desiderium tendit.

Dicitur tertiò: Beati vident in verbo ea quæ pertinent ad proprium statum: non tamen omnia, sed aliqua cognoscunt extra verbum, per revelationem & illuminationem.

94 Prima pars probatur: Ut enim supra diximus, beatitudo perfectè satiare debet omnem appetitum iustum creatura rationalis, unde cum beati habeant inclinationem & appetitum ad cognoscendam ea quæ pertinent ad proprium statum, ea debent in verbo cognoscere.

Confirmatur & magis illustratur hæc ratio. Beatus tripliciter potest considerari: primò ut est elevatus ad ordinem gratia, secundò ut est pars universi, tertio quatenus est talis persona particularis, & quatenus est vel in tali dignitate constitutus, putat Rex, Summus Pontifex, Patriarcha Religionis, pater familiæ &c. Et secundum hanc triplicem considerationem diversa appetit cognoscere objecta. Primo enim modo petit cognoscere mysteria fidei; ut gratiam, lumen gloriae, suam prædestinationem, mysterium Incarnationis, Eucharistie, &c. Secundo modo petit cognoscere species & naturas, ac partes principaliores hujus universi, ut Angelos, celos, elementa &c. Tertio modo petit cognoscere ea quæ pertinent ad suum statum: v.g. D. Gregorius, quia fuit Summus Pontifex, appetit cognoscere ea quæ pertinent ad statum presentem vel futurum Ecclesie, S. Dominicus ea quæ pertinent ad statum sui ordinis, S. Ludovicus ea quæ pertinent ad statum Regni Francie: unde cum in beatitudine sit perfecta quietes, & integra satietas omnium iustorum de-

sideriorum, dicendum est beatos cognoscere in verbo non solum mysteria fidei; & partes principaliores hujus universi, sed etiam ea quæ pertinent ad proprium ipsorum statum.

Ex quo inferes, quod Beatissima Virgo multo plura videt in verbo, quam alii sancti, quantum ad preces & cognitiones hominum: cum enim sit Advocata fidelium, & Mater misericordiae, debet ut in pluribus videre statum fideliū, ut eis prodele possit. Videre autem omnia futura contingentia, & omnes actus liberos, & cogitationes cordis, pertinet ad solum Christum, qui cum sit constitutus a Deo judex omnium hominum, quia filius hominis est, ut dicitur Joan. 5. debet cognoscere omnes homines judicandos, & singulos eorum actus, cum omnibus circumstantiis, ut possit de illis rectum proferre judicium. Ut docet S. Thomas 3. parte quaest. 10. art. 2. ubi sic discurrevit: Vnaquisque intellectus creatus in verbo cognoscit; non quidem omnia simpliciter, sed tanto plura, quanto perfectius videt verbum. Nullus tamen intellectus beato deest, quin cognoscat in verbo omnia quæ ad ipsum spectant. Ad Christum autem & ad eius dignitatem spectant quodammodo omnia, in quantum ei subjecta sunt omnia. Ipse etiam est omnium judex constitutus a Deo, quia filius hominis est, ut dicitur Joan. 5. Et ideo anima Christi in verbo cognoscit omnia existentia secundum quodcumque tempus, & etiam hominum cogitationes, quorum est judex: ita ut quod de eo dicitur Joan. 2. ipse sciat quid esset in homine, potest intelligi non solum quantum ad scientiam divinam, sed etiam quantum ad scientiam animæ eius quam habet in verbo.

Dices, Si quilibet beatus in verbo cognoscere ea quæ pertinent ad proprium statum, sequitur minime beatum, interdum in verbo plura cognoscere, quam magis beatum; quia potest contingere quod plures creature ad ejus statum pertineant, v. g. si sit fundator alicuius Religionis: Sed hoc videtur absurdum, cum enim quod plures creature in verbo videntur, eadem visio beatifica sit perfectior, repugnat quod minus beatus plures creature in verbo cognoscet, quam magis beatus.

Respondeo primò negando sequelam Majoris, quia in tali casu compensatur visio illa totum individuum quæ ab illo fundatore videntur, visione aliorum quæ vel erunt in æquali numero, ut sic æquantur visiones; vel licet forsitan in numero supererint, illa tamen in perfectione excedent.

Respondeo secundò, concessa Majori, negando Minorem, ad cuius probationem dicendum est, duplicitate creature posse cognosci in verbo: proximo ex vi luminis gloriae, ut penetrantis divinam existentiam & omnipotentiam, quo patet cognoscere in verbo creature possibilis, ut supra ostendimus: secundò ex vi luminis gloriae, ut eminenter quodammodo continet lumen propheticum, & habet vim manifestandi per modum revelationis, ea quæ Deus liberè vult manifestare, ut exposuimus art. 3. Cognoscere ergo pluram creature in verbo: primò modo, arguit excessum in beatitudine existentia, & in clara Dei visione; secundò autem cognitio creature in verbo, secundò modò, & ex vi revelationis, quo pacto cognoscuntur à quolibet beato ea quæ pertinent ad proprium statum; imo, ut statim dicemus, probabile est beatos plura ad proprium statum pertinentia per revelationem extra verbum cognoscere.

DISPUTATIO QVINTA

99 Probatum ergo secunda pars, contra aliquos qui docent beatos omnia quae ad eorum statum pertinent in verbo cognoscere. Si beati in verbo viderent omnia quae pertinent ad eorum statum, ea scirent ab initio beatitudinis, & non per successionem temporum, cum visio beata sit immutabilis, & tota simul, & non crescat per successionem, ut sequenti disputatione dicemus. At constat Angelos, circa ea quae accidunt regnis, vel provinciis, vel hominibus sua curæ commissis (qua utique ad proprium illorum statum pertinent) non semper omnia scire a principio beatitudinis, sed dari locutionem, & illuminationem inter ipsos Angelos, ut docetur in Tractatu de Angelis, & constat ex Danielis 10. tibi Angelus Persarum, & Angelus Iudeorum, dicuntur inter se altercari, pugnare, & litigare (contrarietate rerum, non voluntatum, ut explicat S. Thomas infra quest. 113. art. 8.) quia scilicet adhuc illis ignota erat voluntas divina circa liberationem Iudeorum. Ergo beatini non vident in verbo omnia quae pertinent ad illorum statum, sed aliqua extra verbum, per revelationem cognoscunt.

100 Confirmatur, & magis illustratur haec veritas, egregio D. Thomae testimonio de sumptu ex 4. sent. dist. 49. quest. 2. art. 5. ad 12. ubi sic habet: Nihil prohibet dicere quod post diem iudicii, quando gloria hominum & Angelorum erit penitus consummata, omnes beati scient omnia quae Deus scientia visionis novit; ita tamen quod non omnes omnia rideant in essentia divina, sed anima Christi ibi plene videbit omnia, sicut & nunc videt: alij autem videbunt ibi plura vel pauciora, secundum gradum quod Deum cognoscunt; & sic anima Christi, de his qua pre aliis videt in verbo, omnes alias illuminabit. Vnde dicitur Apocalypsis 21. quod claritas Dei illuminat civitatem beatorum, & lucerna eius est agnus. Et similiter Angeli superiores illuminabunt inferiores, non quidem nova illuminatione, ut scientia inferiorum augatur per hoc, sed quadam continuatione illuminationis, sicut si intelligatur quod Sol que fecerit illuminat aereum. Quibus verbis clarissime docet, quod beati post diem iudicii, multa quae pertinent ad abundantiam gloriam, videbunt formaliter in verbis; quedam vero extra verbum, ut pertinentia ad gloriam accidentalem, per illuminationes quae sunt a superioribus, praesertim ab anima Christi, residente in verbo omnia quae Deus cognoscit in se ipso per scientiam visionis. Unde Caietanus 2. quest. 83. art. 4. dicit aliquid posse cognosciri per visionem beatam dupliciter. Primum formaliter, & hoc modo cognoscitur a beatis quidquid vident initio sue beatitudinis. Secundum causaliter, quatenus ex scientia beata, tanquam proprietatis resultat scientia inferior, quae infusa dicitur, per quam cognoscunt successivè quidquid per illuminationem excipiunt. Altero ergo ex his duobus modis cognoscunt beati in patria quae pertinent ad proprium statum, ac proinde omnes preces ac orationes ad ipsos fusas, vel fundendas. Unde quando D. Thomas dicit 3. p. quest. 10. art. 2. quod nulli beato debet, quin cognoscat in verbo omnia quae ad ipsum spectant, intelligi debet, beatum ea in verbo cognoscere, vel formaliter, vel causaliter. Vnde etiam dicit potest, illum loqui de his quae spectant ad statum beatum directe & per se, qualia sunt ea quae in ipso beatitudinis statu ipse agere debet (hac enim probabile est, beatos in verbo videre) non autem de his quae per accidens tangunt & indire-

A ctet ad ejus statum pertinent, qualia sunt ea quae apud eos aguntur, & orationes quae ad eos sunt, aut personæ quae illorum patrocinio & custodia committuntur; nam illa omnia non videntur a beatis in verbo, sed extra verbum, per speciales revelationes, multo probabilius est, ut sic deetur locus in multis consultationi divina sapientia, & illuminationi superiorum Angelorum ad inferiores.

S. II.

Altera difficultas resolvitur, & declaratur, quenam sint cause, a quibus provenit diversitas videtur creaturarum in verbo.

D ico quartò: Causa cur plures vel pauciores creature possibiles, a beatis in verbo videantur, sumitur ex majori vel minori intensione luminis gloriae: ratio vero cur haec creature possibiles in particulari potius quam alii cognoscantur, perit ex ipsa natura creaturarum; quia quedam sunt de latenter, quedam manifestiores; & ita quedam majori lumini proportionata sunt, quedam minori.

Prima pars conclusionis sequitur ex principiis supra statutis: Cum enim creature possibles, in essentia divina tanquam in causa, & medio prius cognito videantur; ratio videnti plures vel pauciores creature possibiles, est major vel minor penetratio divinae essentiae, primo cognita: Sed major vel minor divinae essentiae penetratio, oritur ex majori vel minori intensione luminis gloriae: Ergo causa cur plures vel pauciores creature possibiles a beatis in verbo videantur sumitur ex majori vel minori intensione luminis gloriae.

Secunda pars docetur a D. Thoma quest. 8. 10. de veritate art. 4. ad 12. ubi loquens de cognitione creaturarum possibilium in verbo, dicit: Quodam sunt latentes, quedam manifestiores; & ideo ex visione divina essentia quedam cognoscuntur, quedam non. Ratio etiam id siuader. Ita enim se habet causa ad manifestandos effectus; sicut principium ad inferendas conclusiones, unde figura ex principiis demonstrationis statim aliquæ conclusiones elicuntur; quedam vero non nisi per multa media, quia sunt ab illis magis remota: ita etiam quidam sunt effectus in divina essentia manifestiores, quia ea visa, statim cognoscuntur a lumine gloriae, quamvis remitto alij vero latentes, qui ut videantur indigent lumine gloriae magis intensio, & divinam naturam intimius penetrante.

Qui vero effectus manifestiores, & qui latentes sunt, varie ab Authoribus explicatur. Aliqui existimant creature esse latentes, vel manifestiores, ob maiorem vel minorem perfectionem & exercitatem. Alij, ob maiorem vel minorem convenientiam & similitudinem cum Deo. Alij sentiunt, illos esse effectus manifestiores, qui majorem habent proportionem cum intellectu, & modo intelligendi beatorum; latentes autem, qui magis ab hac proportione recessunt. Alij denique dicunt, illam creaturem debere dici latenter in Deo, & requirere perfectius lumen ut videatur, quae cognoscitur non solum quoad an est, & qualiter superficialiter, sed etiam quoad quid est, & penetrando omnes rationes intelligibiles, secundum quas subest divina providentia.

Dico quintò: Causæ proximæ, & intrinsecæ, 105 a quibus provenit diversitas videnti has creaturas existentes vel futuras in verbo, potius quam alias,